

«Լիցենզավորման մասին» ՀՀ օրենքի և ՀՀ կառավարության 2009թ հուլիսի 9-ի 808-Ն որոշմամբ հաստատված լիցենզավորման կարգերին համապատասխան Լիցենզավորման գործակալությանը վերապահված են հետևյալ գործառույթները.

- 1) լիցենզիաների տրամադրում,
- 2) լիցենզիաների վերաձևակերպում,
- 3) լիցենզիաների գործողության կասեցում,
- 4) լիցենզիաների դադարեցում,
- 5) լիցենզավորման հանձնաժողովի գործավարության իրականացում՝ հանձնաժողովի գործունեության համար անհրաժեշտ նյութերի նախապատրաստում, ամփոփում և դրանք լիցենզավորման հանձնաժողովի քննարկմանը ներկայացում,
- 6) լիցենզիաների գրանցամատյանների վարում,
- 7) տեղեկատվական բազայի ստեղծում,
- 8) լիցենզավորված անձանց մասին տեղեկատվության տրամադրում,
- 9) լիցենզավորվող և լիցենզավորված սուբյեկտների կողմից տվյալ գործունեությունն իրականացնելու համար պարտադիր պահանջների և պայմանների պահպանման նկատմամբ դիտարկումների և ուսումնասիրությունների իրականացում փաստաթղթերի՝ հաշվետվությունների հիմքով և ուսումնական տարածքներում,
- 10) կրթության ոլորտում դիտարկումներից և ուսումնասիրություններից բխող լիցենզավորման հանձնաժողովի նիստին եզրակացությունների, անհրաժեշտ նյութերի նախապատրաստում, ամփոփում, լիցենզավորման հանձնաժողովի քննարկմանը ներկայացում,
- 11) լիցենզավորված անձանց կողմից իրենց գործունեությունից բխող՝ օրենքով նախատեսված հաշվետվությունների ուսումնասիրություն և վերլուծության իրականացում,
- 12) լիցենզավորված անձանց մասին տեղեկությունների հավաքագրում, վերլուծություն, գնահատում,
- 13) լիցենզավորման գործակալությունն իրականացնում է իր առջև դրված գործառույթներից և խնդիրներից բխող իրավական ակտերի, նախագծերի նախապատրաստում:

Լիցենզավորման գործակալության գործառույթների շրջանակո ընդգրկում է ՀՀ տարածքում հանրակրթական, մասնագիտական կրթական ծրագրերի լիցենզավորման գործընթացը:

Կրթական ծրագրերով լիցենզավորման գործընթացը կրում է անընդհատ և շարունակական բնույթ:

ՀՀ կրթության և գիտության նախարարություն է ներկայացվում կրթական ծրագրերով լիցենզավորման գործընթացի /լիցենզիա տալու, մերժելու, մասնագիտությունների գծով գործունեության թույլտվության, սահմանային տեղերի փոփոխության, վերաձևակերպման/ տարեկան շուրջ 2760 հայտեր: Իրականացվում է կրթական ծրագրերի լիցենզավորման հանձնաժողովի նիստերի նախապատրաստական աշխատանքներ՝ հայտարարություններ մամուլում տպագրելու, նիստերի օրակարգի, քվեաթերթիկների, արձանագրությունների, եզրակացությունների և հրամանների նախագծերի պատրաստում:

Օրենսդրական դաշտի բարեփոխումներով պայմանավորված՝ տարբեր կրթական ծրագրեր իրականացնող ուսումնական հաստատությունների լիցենզիաները պարբերաբար վերաձևակերպվում են՝ համապատասխանեցվելով օրենսդրության պահանջներին: Ներկայացվում է նախնական մասնագիտական /արհեստագործական/, միջին մասնագիտական, բարձրագույն մասնագիտական /բակալավրի և մագիստրոսի կրթական ծրագիր/ կրթական ծրագրերով մասնագիտությունների գծով գործունեության թույլտվության, սահմանային տեղերի փոփոխության տարեկան շուրջ 800 հայտեր: Իրականացվում է փաստաթղթերի ուսումնասիրություն, տրվում է եզրակացություններ և ներկայացվում նախարարի հրամանների նախագծեր: Իրականացվում է ուսումնական հաստատությունների լիցենզիաների վերաձևակերպում և այդ հիմքով եզրակացությունների, հրամանների նախագծերի կազմում: Լիցենզավորված հանրակրթական ուսումնական հաստատությունների կողմից ներկայացվում են սահմանային տեղերի փոփոխության մասին դիմումներ: Լիցենզավորման գործընթացն իրականացվում է նաև էլեկտրոնային համակարգի միջոցով:

Լիցենզավորված ուսումնական հաստատություններում իրականացվում է լիցենզիայի պարտադիր պայմանների ու պահանջների պահպանման նպատակով պլանային և ոչ պլանային շուրջ 1050 ուսումնասիրություններ, և խախտումներ հայտնաբերելու դեպքում օրենքով սահմանված կարգով կիրառվում են վարչական տույժեր՝ նախազգուշացում, կասեցում կամ դադարեցում:

Գործակալությունը լիցենզավորման բնագավառի օրենսդրական փոփոխությունների վերաբերյալ ներկայացնում է առաջարկություններ ՀՀ կրթության և գիտության նախարարին և մասնակցում իրավական ակտերի նախագծերի մշակման աշխատանքներին:

Լիցենզիաների վկայականները ձևակերպվում, ներդիրները կազմվում և տրամադրվում են գործակալության կողմից:

Իրականացվում է լիցենզավորված ուսումնական հաստատությունների կողմից ներկայացվող լիցենզավորմանն առընչվող ամենամյա հաշվետվությունների ուսումնասիրման, և նախարարին եզրակացությունների տրման աշխատանքներ, ինչպես նաև ուսումնական հաստատությունների լիցենզիայի համար վճարվող պետական տուրքի նկատմամբ վերահսկողությունը:

ՀՀ ԿԳՆ լիցենզավորման գործակալության վերը նշված գործառույթների իրականացման կոնտեքստում, պարզ է դառնում ամենօրյա աշխատանքի մեծ ծավալը, որն էլ պահանջ է առաջացնում մշտադիտարկումներ, ուսումնասիրություններ իրականացնելու համար:

Անդրադառնալով հաշվեքննիչ արձանագրության 4-րդ կետին՝ հարկ է նշել, որ ՀՀ ԿԳ լիցենզավորման գործակալությունը իր գործառույթներն իրականացնում է «Լիցենզավորման մասին» ՀՀ օրենքի և ՀՀ կառավարության 2009թ հուլիսի 9-ի 808-Ն որոշմամբ հաստատված լիցենզավորման կարգերի, ինչպես նաև կրթության ոլորտը կարգավորող մի շարք ՀՀ օրենքների և իրավական ակտերի պահանջներին համապատասխան, համաձայն որի լիցենզավորման գործընթացն իր մեջ ներառում է վերը նշված բոլոր գործառույթները, այդ թվում լիցենզավորման պարտադիր պայմանների և պահանջների ապահովման և պահպանման նպատակով ուսումնասիրությունների իրականացումը /փաստաթղթային և վայրում/, ուստի Տեսչական մարմինների լիազորություններից է ոչ թե լիցենզիաները ուժը կորցրած ճանաչելու կամ դադարեցնելու միջնորդագրեր ներկայացնելու ֆունկցիան, այլ ստուգումների արդյունքում հայտնաբերված խախտումներն արձանագրելը և հաղորդելը: Հարկ է նշել, որ Տեսչական ստուգումները կրում են այլ բնույթ քան Լիցենզավորման գործակալության ուսումնասիրությունները. դրանք կարող են որոշ առումներով հատվել, բայց բովանդակային առումով դրանք տարբեր գործառույթներ են և չեն կարող համարվել գործառույթների կրկնություն:

Մասնավորապես՝ Լիցենզավորման գործակալության ուսումնասիրություններն ի սկզբանե՝ մինչ իրավաբանական անձանց լիցենզիա տրամադրելը, ենթադրում է լիցենզիայի պարտադիր պայմանների և պահանջների առկայության ստուգում /հիմնարար փաստաթղթեր, ուսումնական տարած, ուսումնամեթոդական հագեցվածություն, մանկավարժական կազմ և այլ/, իսկ լիցենզավորումից հետո դրանց պահպանումը ապահովող վերահսկողություն/ հաշվետու լինելը, ուսումնասիրությունները/: